

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINA ILIJAŠ
OPĆINSKI NAČELNIK



Vodič
za pristup informacijama

novembar 2022.godine

U skladu sa Zakonom o slobodi pristupa informacijama u Federaciji BiH (Službene novine Federacije BiH, broj: 32/01 i 48/11) Općina Ilijaš donosi Vodič za pristup informacijama

PRAVO NA PRISTUP INFORMACIJAMA

Svako fizičko i pravno lice ima pravo na pristup informacijama.

„Informacija je svaki materijal kojim se prenose činjenice, mišljenja, podaci ili bilo koji drugi sadržaji uključujući svaku kopiju ili njen dio, bez obzira na oblik, karakteristike, vrijeme kada je sačinjena i kako je klasificirana“ (član 2., tačka 1. Zakona o slobodi pristupa informacijama u F BiH).

Ukoliko želite ostvariti svoje pravo na pristup informacijama, treba da podnesete pismeni zahtjev koji će da sadrži dovoljno podataka o prirodi i sadržaju tražene informacije, sa uredno napisanim vašim podacima, adresom a po mogućnosti i brojem telefona, te način na koji se želi pristupiti informacijama.

UTVRĐIVANJE IZUZETAKA

Možete tražiti svaku informaciju koja je u posjedu Jedinog općinskog organa uprave osim one koja, prema zakonu može biti izuzeta od saopćavanja.

Odgovor može biti u cjelosti ili djelimično uskraćen ukoliko se vaš zahtjev odnosi na:

1. djelokrug javnog organa, a tiče se interesa odbrane i sigurnosti, zaštite javne sigurnosti sprečavanja i otkrivanja kriminala, zaštite postupaka donošenja odluka o javnom organu (što ne obuhvata činjenice, statističke, znanstvene ili tehničke informacije), samo kada se utvrdi da se saopćavanjem informacije osnovano može očekivati izazivanje značajne štete za legitimne ciljeve Federacije (član 6. Zakona),
2. povjerljive komercijalne informacije (član 7. Zakona),
3. privatnost treće osobe (član 8. Zakona).

Nadležni javni organ saopćava traženu informaciju, bez obzira na izuzetak utvrđen u skladu sa čl. 6., 7. ili 8. ovog zakona, ako je to opravdano javnim interesom. Pri tome uzima u obzir svaku korist i štetu koje mogu proisteći iz saopćavanja informacije.

Prilikom donošenja odluke da li je saopćavanje informacije opravdano javnim interesom, nadležni javni organ razmatra okolnosti naročito uključujući: svako nepoštivanje zakonske obaveze, postojanje bilo kakvog prijestupa, nepravde, zloupotrebe vlasti ili nemara u obavljanju službene dužnosti, neovlaštenog korištenja javnih fondova, opasnosti po zdravlje ili sigurnost pojedinca, javnosti ili okoline.(član 9. Zakon).

NAČIN PRISTUPA I RJEŠAVANJE ZAHTJEVA

Način pristupa informacijama može biti:

- neposredan uvid u informaciju;
- slanje informacije na kućnu adresu;
- umnožavanje informacije;
- ukoliko informacija sadrži manje od 10 strana, slanje besplatnih fotokopija informacija poštom na kućnu adresu podnosioca zahtjeva.

Zahtjev za pristup informacijam se rješavanja donošenjem rješenja u roku od 15 dana, uz pismeno obavještenje ukoliko nije riješeno u ovom roku.

Zahtjev za pristup, izmjenu i/ili davanje primjedbi na lične informacije podnosilac zahtjeva može podnijeti sam, odnosno zakonski zastupnik ili punomoćnik.

Osoba na koju se informacija odnosi dužna je službeniku za informisanje kod podnošenja zahtjeva pokazati ličnu kartu ili drugi lični dokument sa fotografijom ili uz zahtjev priložiti dokaz o zakonskom zastupanju odnosno punomoći.

U slučajevima kada se odobrava informacija, ne naplaćuje se naknada takse za podnošenje zahtjeva, ili za pismene obavijesti.

Naknada se naplaćuje za traženje usluge umnožavanja i to od 0,5 KM za svaku stranicu standardne veličine koja prelazi 10 prvih besplatnih stranica, odnosno 5 KM po disketi za elektronsku dokumentaciju.